

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-492-5/22

Datum: 14.06.2024.godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije studijskog programa visokoškolske ustanove **Visoka škola “Banja Luka College“, Banja Luka**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

P R E P O R U K U

o akreditaciji studijskog programa **Grafički dizajn i vizuelne komunikacije** visokoškolske ustanove **Visoka škola “Banja Luka College“, Banja Luka**:

O b r a z l o ž e n j e

Dana 19.12.2022. godine Agencija je zaprimila od Agencije za visoko obrazovanje Republike Srpske (u daljem tekstu: AVORS), Prijedlog Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji studijskog programa, broj: 1/02-04-2-275-4/22 od 22.11.2022. godine, u kojem se navodi da je visokoškolska ustanova **Visoka škola “Banja Luka College“, Banja Luka**, prijavila za akreditaciju studijski program **Grafički dizajn i vizuelne komunikacije (180 i 240 ECTS)**, a kojim je predložen minimalan broj članova Komisije stručnjaka po svakoj kategoriji. Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, Agencija je imenovala Komisiju stručnjaka Rješenjem broj: 05-33-1-492-2/22 od dana 23.12.2022. godine.

Dana 03.06.2024.godine od AVORS-a je dostavljen Zahtjev za preporuku o akreditaciji studijskog programa **Grafički dizajn i vizuelne komunikacije** Visoke škole **“Banja Luka College“, Banja Luka**, broj: 1/02-04-2-275-13/22 od 29.05.2024. godine, u prilogu kojeg su dostavljene ovjerene kopije, kako slijedi:

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

- i. Izvještaj o vanjskom vrednovanju studijskog programa Grafički dizajn i vizuelne komunikacije Visoke škole "Banja Luka College", Banja Luka (u daljem tekstu: Izvještaj);
- ii. Aneks izvještaja o vanjskom vrednovanju za studijski program Grafički dizajn i vizuelne komunikacije Visoke škole "Banja Luka College", Banja Luka (u daljem tekstu: Aneks izvještaja);

Uvidom u dostavljene ovjerene kopije Izvještaja i Aneksa izvještaja, utvrđeno je sljedeće:

- formalna cjelovitost Izvještaja,
- da su Izvještaj i Aneks izvještaja napisani na jednom od službenih jezika u Bosni i Hercegovini, te
- da su u skladu sa Odlukom o normama i Odlukom o kriterijima za akreditaciju studijskih programa prvog i drugog ciklusa studija u BiH.

Komisija za davanje preporuka je nakon individualnog analiziranja dostavljenih Izvještaja i Aneksa izvještaja, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), na sastanku, održanom 12.06.2024.godine, razmijenila stavove i zapažanja, te zaključkom predložila direktoru Agencije da postupi u skladu sa članom 5 stav 1 Instrukcije, a prema Mišljenju Komisije stručnjaka o ishodu akreditacije za studijski program Grafički dizajn i vizuelne komunikacije visokoškolske ustanove Visoka škola "Banja Luka College", Banja Luka.


U skladu s Odlukom o normama, Komisija stručnjaka je nakon posjete i dodatne nadzorne posjete visokoškolskoj ustanovi ocjenila ispunjenost deset kriterija za akreditaciju studijskog programa **Grafički dizajn i vizuelne komunikacije visokoškolske ustanove Visoka škola "Banja Luka College", Banja Luka** opisnim ocjenama, kako slijedi:

- a) Politika osiguranja kvaliteta studijskih programa: znatno ispunjen
- b) Kreiranje i usvajanje studijskih programa: znatno ispunjen
- c) Učenje, podučavanje i vrednovanje usmjereni na studenta: znatno ispunjen
- d) Upis i napredovanje studenata, priznavanje i sertifikovanje: potpuno ispunjen
- e) Ljudski potencijali: znatno ispunjen
- f) Resursi i finansiranje: potpuno ispunjen
- g) Upravljanje informacijama o studijskim programima: znatno ispunjen
- h) Informisanje javnosti o studijskim programima: znatno ispunjen
- i) Kontinuirano praćenje, periodična evaluacija i revizija studijskih programa: znatno ispunjen
- j) Mobilnost akademskog osoblja i studenata: znatno ispunjen

Visokoškolska ustanova bi trebala po prijemu Rešenja o akreditaciji studijskog programa detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima,
- vremenski okvir za realizaciju preporuka kao i potrebne finansijske i ljudske resurse,
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji studijskog programa **Grafički dizajn i vizuelne komunikacije** visokoškolske ustanove **Visoka škola "Banja Luka College"**, Banja Luka te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.



Dostaviti:

- Agencija za visoko obrazovanje Republike Srpske
- Visoka škola "Banja Luka College", Banja Luka
- Sektor 05
- a/a

